

安  
徽  
金  
石  
畧

安徽金石畧卷一

涇縣趙紹祖琴士輯

安慶府

隋舒州容璨大師碑

無年月

薛道衡撰

在潛山

按唐獨孤及覺寂碑有云碑版之文隋內史侍

郎河東薛公道衡唐相國刑部尙書贈太尉河

南房公瑄繼論撰之是道衡有容璨碑也

趙紹祖識

唐太平興國寺碑

調露間

在懷寧

佚

太平興國寺碑乃調露年間碑圖經載爲薛稷書

又有唐潁碑亦有古法

輿地紀勝碑目

按安慶府志載太平興國寺為元創明修不知

唐前已有寺殊為失攷 趙紹祖識

唐皖山祠碑 永淳元年 劉嘉哲撰 在懷寧 佚

唐永淳元年太湖縣尉劉嘉哲撰劉師憲書 輿地紀勝

碑目

唐璨大師碑銘 寶應元年 房琯撰 在潛山 佚

山谷寺容璨大師碑徐浩書在舒州 金石畧

璨大師碑銘唐寶應元年房琯文徐浩書 輿地紀勝碑目

唐天柱山天柱觀記 大曆五年 吳均撰 在潛山 佚

大曆五年吳均撰并書 墨池編

唐四絕碑

無年月

李華撰

集古錄云唐李陽冰篆并李華文張從申書

輿地紀勝

碑目

唐舒州山谷寺上方禪門第三祖璨大師塔銘

大厯七年

獨孤及撰

在潛山

佚

文載毘陵集

銘畧云僧湛然等狀稱大師遷滅將二百年秀和

尚寂和尚傳其遺言先朝猶特建靈塔且加塔冊

諡大師法門津梁至今分骨之地未霑易名之典

今因肅宗皇帝齋忌伏乞准開元中追褒大照等

禪師例特加諡號兼賜塔額中書門下牒淮南觀

三  
卷一  
察使牒奉勅宜賜諡號鏡智禪師

按此文雖題曰銘實無銘但記其追賜諡號事

耳時獨孤及爲舒州刺史也 趙紹祖識

唐山谷寺覺寂碑銘

大曆八年  
山佚

獨孤及撰  
在潛

山谷寺智禪師銘唐大曆八年獨孤及撰張從申

書 輿地紀勝碑目

碑畧云師號僧璨出見於周隋間遺骨此山二百  
歲矣庚戌某剖符是州明徵故事其茶毗起塔之  
制實天寶丙戌別駕趙郡李公常經始之而易名  
之禮朝廷多故未遑比邱釋湛然等以爲請揚州

牧御史大夫張公延賞以狀聞大曆七年夏詔冊  
諡禪師曰鏡智塔曰覺寂以大德僧七人灑掃供  
養

碑陰記 咸通二年 張彥遠撰 佚

三祖大師碑陰記唐咸通二年張彥遠撰 輿地紀勝碑目

唐天柱山司命真君碑 無年月 楊淑撰 在潛山

楊淑文并書在舒州 金石畧

按墨池編楊淑作楊琚 趙紹祖識

唐天柱山司命真君碑 大曆八年 在潛山 佚

徐浩八分書在舒州 金石畧

天柱山司命真君廟碑大厯八年立

輿地紀勝碑目

按吳均楊淑皆撰文并書自各爲一碑惟徐浩八分書者或卽大厯八年所立之碑宋徐閎中真源萬壽宮記有云道經云司命洞府在灊山唐明皇帝嘗夢與之接於是發內庫繪帛遣使入山創立廟貌是天柱觀始建於唐故一時碑版之文如此其盛也

趙紹祖識

唐山谷寺三祖大師偈

建中三年佚

包吉撰

在潛

唐御史中丞包吉撰建中三年立

輿地紀勝碑目

唐李習之題名

無年月在潛山

佚

李翱題名在舒州金石畧

李習之題刻在山谷寺見張商英遊潛山詩

輿地紀勝

碑目

唐舒州新堂銘

無年月

李翱撰

在潛山疑當在

文載李習之集

在

銘畧云先時寢壞有隘其廬乃作斯堂高嚴旗旗  
吏事既退齋心以居思民之病擇弊而鉏大旱之  
後鄰邑成墟獨我州氓樂哉胥胥丞相所言乃下  
徵書復官於朝以解前疽刻銘於斯永示羣舒

按安慶府志載入此文攷史李翱爲廬州刺史  
時州旱權豪賤市田屋而竄戶仍輸賦翱收豪



稅萬二千緡貧弱以安則此銘當在廬州不當  
在舒州也然輿地紀勝碑目亦收入安慶府銘  
末云以示羣舒廬州正羣舒之地或後人因此  
舒字而誤爲舒州耳

趙紹祖識

余初未見習之集但取新書翺傳觀之故妄有  
此說後得習之集讀之見其中有別潛山神文  
自云長慶二年來臨此邦遭罹炎旱淮左畢同  
鄰郡逃亡十家六空惟此舒人安業於農深悔  
其率因不復改易更綴數語於後以誌讀書不  
多妄作論斷之過且以示來者無蹈此失然余

又疑本一事而史誤舒州爲廬州也甚矣讀書

通曉之難也

趙紹祖識

唐金陵懷古詩

無年月

杜牧撰

在潛山

未見

唐杜牧金陵懷古詩刻在三祖山石壁上

天下金石志

唐左真人仙堂記

開成二年佚

張虛白撰

在潛山

潛山真君廟左真人仙堂記開成二年張虛白撰

輿地紀勝碑目

按安慶府志潛山左真人仙堂在真源宮唐寶

應二年建開成五年張虛白記

碑目云二年後未知孰是

漢書云左慈廬江人安慶府志云潛人潛地在

漢屬廬江郡蓋此爲左慈祠也 趙紹祖識

唐麴令祠堂記 開成五年 在望江 佚

唐麴令祠堂記開成五年立 輿地紀勝碑目

麴大夫祠在望江縣治北大夫墓前唐白居易作  
秦中吟哀之 安慶府志

按麴信陵吳縣人貞元六年爲舒州望江令及  
受代民遮道不得去得再任卒於官留葬焉民  
爲立祠白傳秦中吟本以誚罷官立碑之多愧  
辭者而末叙信陵之德政而終之曰無人立碑  
碣惟有邑人知然輿地紀勝碑目載麴令祠堂

記蓋碑立於開成五年在白作詩後或因白詩

而立之亦未可知也

趙紹祖識

唐法華院額

無年月

在桐城

未見

法華院額在桐城唐宣宗御書

輿地紀勝碑目

法華寺在桐城縣東三十里梁昭明太子讀書處

有祠存寺額爲唐宣宗筆

安慶府志

唐四面山大中寺碑

大中十三年

在太湖

佚

四面山大中寺唐碑在太湖縣北十五里寺有古  
碑題大中十三年建成通五年重修宋大觀中知  
太湖縣孫勰記云大中帝者宣宗也其徵時常避

禍祝髮爲比邱周遊天下築庵隱於是

輿地紀勝碑目

吳開元寺碑陰記

李宗撰

佚

南唐順義九年李宗撰

輿地紀勝碑目

按順義是楊吳紀元云南唐誤也順義但有七年無九年是又誤也

趙紹祖識

南唐丹霞府新泉記

保大二年

在潛山

佚

舒州丹霞府新泉記保大二年立

輿地紀勝碑目

按安慶府志載潛天柱山有峰曰丹霞峰有洞

曰丹霞洞而不言有碑則其亡已久矣

趙紹祖識

南唐文宣王廟碑

文宣王廟碑序徐輿地紀勝碑目

南唐九疊松贊

九疊松贊徐輿地紀勝碑目

按二碑當皆是徐鉉撰書碑目文缺不得其詳

趙紹祖識

南唐保大中勅書石刻在潛山佚

保大中勅書石刻在三祖乾元寺輿地紀勝碑目

南唐喬公亭記保大十三年徐鉉撰在潛山佚

篆法甚古保大十三年徐騎省記輿地紀勝碑目

南唐雙溪院碑保大十三年徐鉉撰

集古錄云南唐徐鉉撰并篆記碑以保大十三年立輿地紀勝碑目

南唐周將軍廟

保大十三年

徐鉉撰

在潛山

周將軍廟碑保大十三年徐騎省記

輿地紀勝碑目

按宋周必大周將軍廟記有云五代時刺史周廷構拓其廟騎省徐鉉爲之記卽此碑也廟今在潛山縣治南一里

趙紹祖識

宋天柱山靈仙觀記

太平興國七年

賈黃中撰

張編云興國七年舒州懷寧縣有老僧詣萬壽山取寶掘得默石刻誌公記云吾觀四五朝後次甲

子年趙號太平二十一帝僧忽不見州以石刻來  
獻六月甲戌詔舒州修司命真君祠號曰靈仙觀  
九朝通畧云太平興國四年嘉州亦有石文云趙  
二十一帝

輿地紀勝碑目

按徐闕中真源萬壽宮記有云先是太平興國  
中靈仙觀既成翰林學士賈黃中爲之記是黃  
中所撰卽此碑也

趙紹祖撰

宋向處士墓誌

咸平五年  
安慶府志

在太湖

未見

文載

誌畧云先生皖之黟人也少通經史晚憩息龍山  
之下朝夕與從遊講易凡所著作無不殫烟霞而



擅靈最惜天未優之以後止生三女享年九十而  
逝咸平五年八月中秋夜越明年葬事成爲題其  
墓曰嗚呼松風黯黯木葉淒淒渺靈隱於荒外蕩  
浩魄於幽微萬古絕續來之約千秋無再覩之期  
誠恐陵谷變遷故刻石爲記庶先生傳不朽矣

按太湖志曰宋向榮處士也葬於龍山之麓萬  
厯甲申山水衝決得墓誌余考志中無諱榮字  
不知太湖志何從得其名

趙紹祖識

宋潛山黃先生墓誌

熙寧六年 忠肅集

劉摯撰

文載劉

誌畧云先生諱孝綽字公裕姓黃氏世爲建之浦

城人自其考徙居於舒州之太湖今爲太湖人舒之望曰潛山其下號丹霞府先生遊而樂焉因自號潛山叟先生居鄉鄉人化之至相語曰無或作非使黃先生知也其子華居官每歸省必問治事其當於義理則歡然爲之飲酒熙寧三年二月十日卒享年七十有四子五男華著作佐郎蘓執苟蘧皆服儒六年著作君以書謂予曰自華祖不克歸閩葬於太湖今華又以仕來北方不敢以柩行于是卜地得鄆州須城望山而日得十二月之壬申幸畀之銘華于是論次而爲之

按黃先生葬於鄆州其銘本不當載於安徽金石中以其爲太湖人而太湖志不載故附著之使後之人攷而錄焉

趙紹祖識

宋朝奉郎致仕黃君墓誌銘

元祐八年 劉摯撰  
文載劉忠肅集

誌畧云君諱莘字任道姓黃氏皇祐五年登進士第爲天長主簿徙清河令前時黃河在境歲輸芻茭後河去猶賦之積逋十四萬鞭笞不已君條列于朝悉蠲之歲飢部使者不肯賑遂發寧化鎮倉人賴以活改著作佐郎知濟陰縣神宗卽位遷秘書丞廣濟河決破南堤以分水水去病他邑君曰

此于法最重其可以累他人亟自劾韓魏公等論  
抹朝廷亦嘉君意止奪一官免邑人繪君事之丁  
艱服除復官召對上猶以濟陰事勞之累遷陝西  
提點司獄召入尙書省爲職方員外郎轉承議求  
補外知汝州元豐八年今上嗣位遷朝奉郎以足  
疾請致仕十二月四日卒于州舍君爲布衣時聞  
舒州望江令豐有孚能吏以誣繫獄卽馳見轉運  
使王素白其寃素立釋之君故不識有孚有孚亦  
不知也集四十卷藏於家元祐八年十月葬于鄆  
州須城之望山其父潛山先生墓次摯爲作銘

按此誌在鄆州以黃君本太湖人仕有功績而

太湖志不載故特附而詳之 趙紹祖識

宋此君堂詩

元符二年 黃庭堅撰 在桐城 未見

黃山谷撰并行書在桐城 寰宇訪碑錄

宋涪翁亭銘

向子諲撰 在潛山 未見

向子諲作在潛山 天下金石志

宋黃山谷騎牛像

在潛山 未見

李公麟畫刻於石牛洞

天下金石志

宋眞源萬壽宮碑

政和七年 徐閎中撰 在潛山 未見 文載安慶府志

碑畧云太宗皇帝煥新祠宇以仙觀名之主上政

和七載詔以真源萬壽名其宮以慶基名其殿揆  
日庀徒載加營飾合新舊屋三千六百餘間臣被  
詔總其事乃爲之記

宋小孤山神廟記

紹興初

張浚撰

在宿松

佚

按陸放翁入蜀記云小孤廟在小孤山之西麓  
額曰惠濟神曰安濟夫人紹興初張魏公自湖  
湘還嘗加營葺有碑載其事是魏公有此碑矣  
今宿松志不載而載放翁小孤山記然此是入  
蜀記中一段非遊小孤山記也

趙紹祖記

宋周將軍廟記

淳熙十一年

佚

文載安慶府志

周必大撰

在潛山

記畧云必大以郡牧來守茲土訪詢祠宇得于州城之南荒圃之中則五代時刺史周廷構所拓然風雨不庇廟像不立惕然歎曰惟周氏所當爲者乃以癸卯十月刻像而祭之築宮而事之且繪其成功於壁

按廟在潛山而記云州城者端平三年始徙府治於羅剎州元至治三年始於故城置潛山縣也癸卯是淳熙十年廟建於十年而碑立於十一年也

趙紹祖識

元望江縣儒學講堂記

皇慶二年  
望江 佚

陳天民撰  
文載江南通志

記畧云雷川縣故有學廬於兵火假宮薌江前尹張公魯瞻以先聖遺像歸然獨存遂載以歸後元公榮爰卽舊址起立黌宮至元辛丑正室成大德丙午始建東西廡及門獨講堂有未暇皇慶二年春天民承乏來茲始撤而新之

按雷池雖在望江然未嘗以雷川名縣此當攷之

趙紹祖識

元小孤山新修一柱峰記

延祐五年宿松

虞集撰在文載宿松

縣志

記畧云延祐五年以聖命召吳幼清于臨川七月



二十八日舟次彭澤明日登小孤山舊有亭在山  
半宋江州守厲文翁所築距今六十二年曾不可  
徙倚是時邑令咸在問守者曰非彭澤所治乃撫  
然去明日過安慶府判李侯維肅故人也因以告  
之侯曰此吾土也吾爲子新其亭而題曰一柱可  
乎子爲我記之至池陽求通守周侯南翁爲吾書  
之以來李侯眞定人

元南池寺碑記

至元元年  
存

文載宿松縣志  
趙世延撰

在宿松

南池寺在宿松縣東南九十里寺有元碑至元改

元魯國公趙世延撰僧咲隱篆守忠書

宿松縣志

元小孤山鐵柱記

至正間  
未見

柯本深撰  
文載宿松縣志

在宿松

記畧云小孤號海門第一關操舟者失勢檣傾楫  
摧馮君克敏爲彭澤簿欲作一大方便事未果越  
二載丞廬陵乃鑄一大鐵柱長三丈有奇俾舟子  
有所憑藉攀援以濟險柱成未立調寧海心搖搖  
不忘天厯改元有自江鄉來盛歎鐵柱巍然江許  
乃知有存心利物者成就之自延祐七年厯至正  
始償其事此豈可使名姓湮沒余爲刻石列記

按記前已云天厯改元鐵柱巍然江許後又云  
自延祐厯至正始償其事所未詳也

趙紹祖識

元三孝堂記

至正六年

吳興撰

在望江

未見

文載安慶府志

記畧云昔晉王祥孟宗唐徐仲源三孝子異代不同里閭而孝蹟並著於望江宋紹興己卯宰趙師傳創純孝亭於縣南南臺寺之側淳熙戊申宰趙師循因亭基建祠繪三賢更名崇孝祠後毀於兵至正丙戌上庠國子生程宗以學行累京秩出宰是邑捐俸鳩工建三孝堂復孝子之後以奉祀事親爲文以刻碣邑士大夫服公志義咸願勒堅石以敷厥燬以垂至孝於不朽

按三孝惟徐仲源爲望江人王祥孟宗皆寓公

也今邑有卧冰池泣竹臺寰宇記云孟宗宅在望江縣北一里卽泣竹生笋處則其傳已久矣又按記云宗親爲文以刻碣似程自有記而安慶府志望江縣志皆不載當更訪之

趙紹祖識

元大節堂記

至正十四年

余闕撰

在懷寧

存

文載青陽山房集

記畧云宗正郎中韓建之守安慶也在官三年穎六之盜起明年十一月盜入宿松破太湖明年春入桐城來攻城君擊之盜敗去自二月至九月盜來攻者十有一大小百餘戰皆敗之盜大忿悉衆而東王師敗績於小孤十月盜至城下民恐甚來

眠君部署如恒日民乃安屢戰却之盜夜引去余  
來戍郡道聞城陷比至乃完問其故父老曰韓君  
完我曾子所謂臨大節而不可奪者君其人歟余  
抵郡十日盜復大至余與君率衆殲之盜不至者  
今再期矣余因名其廳事曰大節之堂

元安慶城隍顯忠靈祐王廟碑

至正十六年  
撰在懷寧

余闕  
存

文獻青陽山房集

右碑淮南行省叅知政事余闕撰分隸適整而閑  
逸廷心篆隸名家此自書無疑公大節彪炳古今  
獨其贈諡諸書所載互異元史本傳稱追封幽國

公諡忠宣程國孺序青陽集云諡文忠追封夏國  
公張紳以爲初贈夏國諡忠愍改贈幽國諡忠宣  
丁鶴年又稱文貞公宋景濂手定元史而集中余  
左丞傳亦作文忠未審孰得其真因錄此碑附及  
之潛研堂金石文跋尾續

按碑云五月之望里俗相傳神生之日也張百  
戲遊像輿於國中盡三日而後止今安慶城隍  
會甲於一省率於五月望日卜日蓋猶沿其舊  
碑又云潁六盜起舒大小格鬪百餘率咨神而  
行盜未一日得志民相率出泉新廟又請於朝

乞崇其號中書下其事太常博士議升神於王  
號顯忠靈祐十四年夏四月報下是安慶城隍  
之稱王實始於元時也

趙紹祖識

安徽金石畧 卷二

涇縣趙紹祖琴士輯

徽州府

梁呂塲記

大同元年  
文載歙縣志

呂文達撰

在歙縣

佚

記畧云文達家世南陽父安國宋直閣將軍母袁氏以泰始元年生文達於臺先直閣將軍愛之凡征伐攜以從齊受宋禪魏師攻壽陽勅先將軍救之因援朐山歿於陣時建元二年九月十二日也文達非材蒙擢侍中永明十一年武帝封次子昭文爲新安王遷文達爲內史代王之郡治事鬱林



廢黜新安郎真達以字犯主諱改名明達高宗自  
立廢主上爲海陵已而弑之余聞欲納職歸朝妻  
父王晏貽書止余又三年外父被殺父友沈文季  
復書語余深自韜晦於是問舍求田迺於繼室鄭  
氏所居之右築室而家焉新安爲郡山多田少惟  
湖田一坂首尾約十里左右半之中有湖名呂莫  
知何人所浚潴水以澆湖下之田天監初湖倏堙  
塞余因憶往年侍先將軍救壽陽時豫州刺史垣  
崇祖堰肥水以灌魏師可爲法則於是同妻兄孟  
公相地高下率民疏鑿築而捍之約高五丈有奇

橫濶二十餘丈引水入渠灌田一萬餘畝經始於  
大通元年八月成於十一月荒郊斷隴不動桔槔  
而年書大有椎牛炮羔烹鮮載膠舉盞請曰願請  
厥名余曰昔湖以呂名今場亦以呂名何如諸君  
子更欲俎豆我場上之濱余何德足當此乎顧余  
老景尋侵傳宗乏嗣得吉所居之北於大同元年  
十一月營壽藏以爲吾夫婦歸真之所刻像於場  
上之亭苟不紀錄後人罔知後之覽者亦將感於  
斯云

唐興唐寺碑

無年月

呂渭撰

在欽縣

佚

興唐寺碑唐呂渭文在歙縣

輿地紀勝碑目

太平興國寺在郡城練水西舊名興唐寺唐至德二年建宋太平興國中勅改今額

徽州府志

唐披雲亭記

貞元十八年

張友正撰

在歙縣

記畧云處高明所以蕩陰滯臨顯敞所以窮遠睇州之陽漸乎水水之陰攢乎山山有佛寺而迴廊翼旋飛閣雲褰萬家井邑在我宇下實一方之勝概也柱史魏公命駕遊焉美其中峰聳絕靈氣紛郁乃竦勁策躍輕屐縋蔓梯崖徑造其巔高哉曠乎果天下之絕境也乃命剡鑱巖夷翳薈心匠密

構亭形虛無然後跨峻谷掖修木疊石爲趺無尋丈之地其崇卑廣袤與斲樸枵塗之節稱焉自公之暇理於茲撫傷夷懷流離而猶阜俗康民之志歎如也歎人披公之仁化異日攀公之轅不及則必瞻此亭也友正家在此山之下獲遊此亭之上思刊懋績輒課庸詞貞元壬午夏四月記

按歙志張友正字正甫結廬城陽山下貞元末魏宏簡爲宣歙副使建披雲亭請爲記

唐南源古寺記

大和三年

在歙縣

佚

南源古寺在歙縣長陔唐太和三年建祀梁武帝

暨寶誌有古碑存

徽州府志

唐祁門新路記

無年月

范傳正撰

在祁門

佚

在縣南十三里古隄上唐刺史范傳正詞今亡

徽州

府志

唐漢洞院碑

大中時

在歙縣

佚

漢洞院碑在歙縣新安志云今院有南唐錄大中

碑

輿地紀勝碑目

漢洞院在歙縣仁愛鄉富資里漢洞唐大中間建

徽州府志

唐歙州汪王廟記

天復二年

佚 文載十圍春秋注

汪台符撰

在歙縣

記畧云武德四年高祖下制曰汪華往因離亂保  
據州郡識機慕義遠送欵誠可使持節欵宣杭睦  
婺饒六州諸軍事貞觀二十三年建祠堂元和三  
年刺史范傳正遷於南阜迄今司空潯陽公景慕  
英塵經始靈宮台符越公之裔潯陽之吏祖能神  
主能賢辭或不直作神之羞辱主之命壬戌十一  
月十一日汪台符謹記

按陶雅爲楊行密將旣下欵以爲欵州刺史加  
檢校司空潯陽公汪台符欵人唐天復初爲陶  
雅幕客記作於是時也台符承雅命作汪王廟

記而文但曰越公蓋汪王者土人之稱台符雖其裔孫亦知其非是而不敢著之文筆故曰辭或不直作神之羞辱主之命其識過於今人遠矣

趙紹祖識

唐密多院記

乾符元年佚

沙門如覺撰

在休寧

唐密多院記在休寧縣

天下金石記

在履仁鄉太平里唐乾符元年建

徽州府志

唐婺源縣古縣記

無年月

佚

見新安志本縣沿革下

輿地紀勝碑目

唐飛龍巖字

呂純陽書

在婺源

佚

唐飛龍巖字呂純陽書在婺源縣

天下金石志

楊吳問政先生碑記

順義問

方訥撰

在歙縣

吳順義中方訥文在歙縣

輿地紀勝碑目

問政山在歙縣東二里一名畫屏唐有于方外者  
自荆南掌書記棄官從太白山道士學養氣之術  
其從弟德晦刺史歙州方外來訪德晦爲築室山  
上居之號問政山房邑人聶師道師事方外後入  
楊吳爲國師因號問政先生銀青光祿大夫方訥  
爲之文

徽州府志

南唐婺源縣增築新城記

天復初

劉津撰

佚



婺源縣唐治在清華中和二年鎮將汪武移治茲

高鎮天復初建鼓角樓并挾城樓當南唐昇元二年檢校

司空劉津集所轄四縣人民增築新城北東南繡

水環繞因以爲池西築西湖又建衝山一營北築

平蛇穴接蛇城周九里三十步啟昇元二門津自

爲記徽州府志

南唐歸真觀碑無年月 徐鍇撰 在歙縣 佚

歸真觀碑江南徐鍇文在歙縣輿地紀勝碑目

興道觀在問政山唐世築室號問政山房道士于

方外聶師道相繼居之吳順義七年師道葬此山

楊氏立壇給田以其故居爲歸正觀宋天禧四年

勅改今名

徽州府志

南唐靈泉院碑

在歙縣

佚

祥符寺中有南唐碑初名靈泉院宋祥符中改今

額

汪澤民遊黃山記

唐建石門寺記

無年月

宋杜昱撰

在休寧

佚

唐韋綬建石門寺記宋杜昱撰在休寧縣

天下金石志

宋重修郡解碑

無年月

孫彭撰

在歙縣

佚

宋重修郡解碑通判太子右贊善大夫孫彭文

徽州

府志引羅願新安志

宋通判廳壁記 無年月 黃慶長撰 在歙縣 佚

宋御前三勝碑 端拱中 馮起撰 在歙縣 佚

御前三勝碑端拱中通判著作左郎馮起文 徽州府志

引羅願新安志

宋夫子廟記 景德中 趙昂撰 在歙縣 佚

景德中知州直史館趙昂文 徽州府志引羅願新安志

宋應寢羅漢碑 雍熙中 梁鼎撰 佚

雍熙中通判梁鼎文 徽州府志引羅願新安志

宋建許真君祠碑

碑有二其一梁鼎文其一通判太常博士王臯文

徽州府志引羅願新安志

宋大中大夫行刑部侍郎致仕上柱國賜紫金魚袋

俞公墓誌銘

慶歷六年原父公是集

劉摯撰佚

在歙縣

文載

誌畧云公諱獻卿其先河間人晉永嘉之亂徙居  
黟歙歷官至刑部侍郎致仕慶歷五年四月終年  
七十六明年某月葬歙縣某原從先人居

宋廣西轉運使孫君墓碑

皇祐三年在黟縣

佚王安石撰

文載臨川

集

碑畧云君少寄食浮屠山中步行借書數百里升  
樓誦之而去其階遂博習天下之書天聖五年同

學究出身再舉進士甲科歷仕知潯州擢監察御史彈奏狄武襄不當沮敗劉湜永洛城事又因日食言陰盛以後宮爲戒仁宗獵明日將復出君奏止出知復州累遷提點江南西路刑獄有言常平歲凶當稍貴其粟以利糴本者君言此非常平本意詔從之儂智高反君轉芻粟師飽有功以勞遷司封員外郎皇祐三年三月卒於治所君諱抗字和叔姓孫氏其在黟縣自其高祖棄廣陵以避孫儒之亂君以其卒之年十二月二十五日葬黟縣懷遠鄉上林村子上黨縣令邈狀其行以求臨川

王安石銘

宋永州軍事推官孫君墓銘

至和二年  
在熙縣

會鞏撰  
文載南

豐類稿

誌畧云熙縣孫氏有起進士爲工部郎中廣南西  
路轉運使以卒者諱抗以文學見於世其葬在熙  
之上林有子亦起進士爲永州推官以卒卒年二  
十有八者諱適亦以文學見稱葬在其父之左將  
葬其弟邈以告而乞銘於南豐曾鞏君年十四往  
從臨川王安石受學後主越州上虞簿去以父恩  
得永州父卒萬里致喪疾不忍廢事旣葬攜扶幼

老將就食淮南疾革遂卒於池州大安鎮實至和  
二年

宋呂大防書斷石二字 無年月 在休寧 存

在休寧縣西南三里下臨深溪巨石從巖巔飛墜  
橫支水面堆疊成臺神剎鬼劈其形髣髴尙可湊  
合宋令呂大防書斷石二字臺平曠可坐清流環  
繞駕橋懸渡橋頭一石如巨人當門名曰雲頭爲  
附郭最勝景 徽州府志

宋黃山谷書問政先生誥後 無年月 在歙縣 存

問政山有興道觀又有鐘樓峰峰後爲寶相寺寺

側有泉及豫章黃山谷書問政先生誥後徽州府志

宋黃台問政山詩無年月 在歙縣 存

問政山絕巖下刻有宋黃台詩徽州府志

按詩爲七言二十韻趙紹祖識

宋婺源縣遷學記熙寧三年 孫覺撰 在婺源

宋婺源廟學慶厯間建於縣東熙寧中知縣事劉

定遷縣西中丞孫覺記徽州府志

宋歙州徙學記紹聖二年 黃誥撰 在歙縣 佚

先聖廟及學自唐至宋在城東北隅太平興國三年知州事蘇德祥遷烏聊山上嘉祐四年徙於南



園熙寧四年復遷烏聊山元祐初再徙南園紹聖

二年復徙東北隅郡守黃誥記禮部米芾書

徽州府志

宋聖僧山記

無年月

張商英撰

在歙縣

佚

唐武德間僧慧明居此故名下有泉凝碧修廣數

畝曰靈塘左爲洗眼池山巔下有石曰仙人幢宋

南渡時有道人鵠亦常居此宋張商吳有記

徽州府志

按明何如寵詩云開山千古事殘碣尙堪尋似

前明時碑記尚存也

趙紹祖識

宋婺源新開吳泉記

無年月

王汝舟撰

在婺源

按碑載程敏政新安文獻志而徽志山水門不

載吳泉遂未有以考

趙紹祖識

宋勅賜靈虛觀記

大觀元年

朱彥撰

在黟縣

記畧云靈虛爲觀黟之最佳處也觀初名洞靈去縣一里許龍尾山環之化爲污萊之區元豐中有紫炁覆其上得天尊像一軀邑人禱祀輒應合言之州願復爲觀選祁門道士范處修主之凡二十年而觀成廣十餘畝周數百楹崇寧四年處修走京師圖上其事乞賜名制曰可遂賜今名余時爲淮南江浙荆湖制置發運使處修過謁曰觀成得名公記之始余使江東常過是觀處修以未得賜

名爲恨余曰徙外門直內後當得名已而果然乃爲之記大觀改元仲春月二十七日

按碑朱彥撰洪中孚篆額久亡今存觀中者明正德六年黥知縣楊傳所重立者也

趙紹祖識

宋主簿胡君墓誌銘

政和六年

汪藻撰佚文載浮溪集

在婺源

誌畧云安定胡者君族姓也霖君濟君字名也世家歛之婺源嘗得奉新主簿以歸者君爵里也年五十三以政和二年歿牖下六年冬十二月卜其家百步西園之右葬焉

宋婺源縣清泉亭記

無年月佚

胡剛撰

在婺源

石井在婺源縣西南三十里汪藻建清泉亭於其

上博士胡剛記

徽州府志

宋故潁川汪公墓誌銘

重和二年  
黟縣存

葛長卿撰  
文載黟縣志

在

誌畧云政和七年正月潁川汪公卒年七十有九  
卜以重和二年正月葬居之南雙溪東龍潭北其  
孫楫以行狀丐銘於長卿公諱維佐黟縣人家世  
業農桑公尤善治生貲獨厚村之前有泉竇甚旱  
不涸百家聚汲澣濯公判爲二池汲於上濯於下  
募良工鑄石孟精林梓路靈泉四院之鐘城之北  
有雙溪合流湍悍病涉出泉二十萬爲橋五丈有

奇姪廣州司錄舜昭名之爲利涉橋西有溪雨暴  
集則奔衝潰割瀕溪之田歲比不收乃相高規豬  
堰用工萬計正曲爲直不復害公所爲初不爲已  
利可以無愧於幽明矣

按黟志此銘於乾隆五十三年大水冲出今在  
勒下汪氏祠內以其近出故稍詳之葛長卿者  
時官祁門令

趙紹祖識

宋長慶院塔刻字

宣和三年

在歙縣

存

在歙太平十寺長慶院前高七級舊有縷字云宣  
和三年訪擊使畢永朗永充供養

徽州府志

宋徽州新城記

宣和四年

羅似臣撰

在歙縣

記畧云宣和庚子方臘竊發燒劫殆盡蓋緣城壁

不修至壬寅年製甌繕完可保永固

宋清風堂記

無年月

汪藻撰

在婺源

佚

在婺源縣治宋知縣事叔孫元功建汪藻記

徽州府志

宋婺源縣虹井記

無年月

朱韋齋撰

在婺源

一名韋齋井在縣治南今在文公闕里西宋韋齋

先生朱松故居松生日井中有白氣見松嘗爲井

銘曰道寓斯人如水在地汲之愈深有味外味後

晦庵生日井中又有紫氣見故後人號曰韋齋井

徽州府志

宋休寧縣遷學記

紹興六年 洪适撰  
佚 文載休寧縣志

在休寧

宋慶厯間卽縣治之東街爲屋數間以奉先聖紹興六年錫山陳之茂來爲縣尉遷於縣南門外之左郡守洪适記

徽州府志

記畧云新安領百里者六休寧最大宜有學而亦無以應令紹興六年南蘭陵陳公尉縣邑秀民爭北面講席戶內人滿率坐戶外則相與度地於縣南爲屋五十楹塞於次年春正月成於秋八月又買書千餘卷陳公日來與諸生講說故應鄉書士

不半百自是常過八百人拔第于庭者踵相躡後  
二十有二年余爲其州邑彥鄞尉吳偁道校官始  
末求書其事於石陳公名之茂字阜卿今以左承  
議郎佐秘書著作

按遷學在紹興六年之次年則七年也而記作  
於二十二年後則立石在紹興二十九年也  
趙紹祖識

宋風月堂記

紹興間

洪适撰

在歙縣

佚

在府治宋紹興間監郡章浩建洪适記

徽州府志

宋武亭山蹇路記

紹興間佚

汪必達撰

在黟縣

安徽金石錄

卷二

十三



在黟縣西南十八里武陵之水出焉危巔削壁過者難之宋紹興庚寅縣人黃元暉斃路往來便之知縣汪必達有記

徽州府志

按紹興無庚寅疑徽志有誤

趙紹祖識

宋景蘇樓詩刻

紹興間

在績溪

未見

在績溪縣署舊爲秋風堂宋紹興間邑宰曹訓摹前令蘇轍遺像及所爲詩鐫於石建樓貯之曰景

蘇

徽州府志

宋靈惠廟碑

乾道二年

在黟縣

存

靈惠廟在縣西十五里上堂山祀胥公禱雨有應

宋乾道時勅封善應侯

黟縣志

按碑前載紹興二十七年十二月牒爲禮部狀  
準下江東路轉運司奏據徽州申據黟縣申父  
老士庶黃汝霖等狀言神於方臘入境保全生  
靈及祈雨雪皆應乞賜勅額以及本司保明是  
實及本部行下太常寺勘會與太常寺申先賜  
廟額靈惠廟事後載乾道二年二年封神善應  
侯勅更不着一語但據事直書質直有體可見  
宋時申請及委驗體究核實次第之法

趙紹祖識

宋婺源縣遷學記

乾道四年

洪邁撰  
文載徽州府志

在婺源

記畧云諸生言學宮在西邊九十五年地勢黯昧  
當徙而趨新乾道戊子令彭君烜以請於部使者  
而俞且致錢五十萬遂遷於城東驛其冬廟殿及  
藏書閣垂成矣會郡守疑縣以計科斂換健吏鉤  
計之亡一詞始聽成之然首議者倦謝工遷徒獨  
殿閣棲棘籬中望之愀然又三年後令洪君邦直  
至瞿然悼前故卽出郡錢六十萬使訖役有頃宮  
成雋秀士滕生恪告鄱陽洪邁曰願有以記嗚呼  
事難興而易敗今是役厯四年閱兩令而始成潰  
於成余故詰曲登載以驗其至難而記之

按記學成於後令洪邦直去戊子又三年當是  
乾道七年辛卯學始成也徽志但云乾道四年  
彭烜遷學似有未悉 趙紹祖識

宋朱文公名堂室記

無年月

朱子撰

在徽州府

紫陽書院自宋淳祐六年丙午州守韓補始作於  
城南門外理宗賜之額初韋齋先生刻印章曰紫  
陽書堂後文公取之以榜其廳事故作名堂室記  
徽州府志

記畧云紫陽山在徽郡城南五里先君子故家  
源少而學於郡學遊而樂旣家閩中以紫陽書堂

刻其印章葢未嘗一日忘歸也將歿命其孤熹居  
漳溪之上今三十年矣貧病旣不能返故鄉又不  
能大其閭閻敬以印章所刻榜所居廳事庶幾後  
世有考焉先君子又自病卞急宰尤溪時取佩韋  
之義榜廳事曰韋齋中更盜火無復遺跡近歲友  
石君子知縣事始復榜焉熹躁迫滋甚尤不可忘  
先人之戒則又取而揭之於寢以自鞭策晦庵者  
燕居之所也熹生十有四年先君子遺命學於籍  
溪胡公先生草堂屏山二劉先生之門而屏山獨  
嘗字而祝之曰木晦於根春容豔敷人晦於身神

明內腴後事延平李公先生而所謂晦者猶屏山之志今乃以是名堂以示不忘諸先生教堂旁兩夾室外曰敬齋右曰義齋蓋讀易而得敬以直內義以方外兩言又讀中庸而見修道之教必以戒慎恐懼爲始而得夫持敬之本讀大學而見明德之序必以格物致知爲先而得夫明義之端旣而觀二者之功一動一靜又合乎周子太極之論然後知天下之理無不貫乎一者因以敬義名二齋且歷敘所以明夫堂室之意以見受命於父師與區區講學之意如此書之屋壁觀省以自詔云

按徽州府志載此於紫陽書院其實記非爲書

院作也觀者讀記自明亦無須演說耳

趙紹祖識

宋婺源縣藏書閣記

朱子撰 載徽州府志 在婺源

未見 文

記畧云婺源學宮講堂之上有重屋焉榜曰藏書而未有以藏莆田林侯處知縣事始出其所寶大帝神筆石經若干卷以填之而又廣市書凡千四百餘卷列庋其上俾肄業者得以講教而誦習焉熹故邑人而客於閩茲以事歸而拜於其學則林侯已去而仕於朝矣學者猶指其書以相告語感歎相率謂熹盍記其事是爲記云

宋尊德性齋銘

無年月 朱子撰 銘載婺源縣志

在婺源 未見

在婺源環溪宋知錄程洵建初名道問學朱子易名復爲銘

徽州府志

銘曰維皇上帝降此下民何以予之曰義與仁維義與仁維帝之則欽斯承斯猶懼弗克孰昏且狂苟賤污卑淫視輕聽惰其四肢褻天之明慢人之紀甘此下流衆惡之委我其鑒此祇栗厥心有幽其室有赫其臨執玉奉盈須臾顛沛任重道遠其敢或怠

宋休寧縣古城巖兌卦碑

無年月 在休寧 存



在城東十里卽萬歲山上有歙州治舊基下有巨

石宋邑宰鄒補之隸書兌卦摩崖

徽州府志

宋廣惠王廟記

無年月

鄒補之撰

在休寧

存

汪王故宮在古城山宋爲廣惠王廟縣令鄒補之

記

徽州府志

宋南源古寺後山朱子題字

在歙縣

存

南源寺在長垓唐大和間建寺後有五峰前有三

瀑布朱子嘗書新安大好山水六字鐫石壁

大清一統

志

宋休寧縣修學記

淳熙五年

吳儆撰

在休寧

淳熙戊戌主簿傳本修之邑人吳儆記

徽州府志

宋竹洲記

淳熙五年  
文載竹洲集

吳儆撰

在休寧

未見

在休寧商山藍水傍宋吳文肅公儆奉祠終養築  
室娛親處因自號竹洲居士自爲記

徽州府志

記畧云淳熙戊戌有旨擢守邕管儆言有父八十  
上爲惻然改畀祠祿乃卽舊居稍稍葺治前有洲  
廣可數畝舊有竹千餘竿因其地勢窪而坎者爲  
四小沼深其一以蓄魚鼈備時羞其三植荷花菱  
芡以佐觴豆乘地之高竹之陰爲二小亭一曰流  
憩一曰靜香亭之南爲堂三間堂之北爲小齋堂

名仁壽齋名靜觀循徑而南有堤據堤爲二亭曰  
遐觀曰風雩時奉壺觴奉老人及致老人之所狎  
者倘佯其中噫能使余忘貧賤安農圃而無復四  
方之志者非斯洲與

宋古城汪王廟記

淳熙六年

鄒補之撰  
佚 文載休寧縣志

在休寧

記畧云萬安山在隋唐爲歙州治所舊有城曰古  
城俗曰古城下有市亦曰舊市吳孫權分歙置休  
陽治靈鳥山後避孫休諱改海陽移治萬歲山晉  
改海寧隋平陳改休寧大業末靈惠英濟顯靈王  
起義間里保有歙宣杭睦饒婺等六州實寓治此

土唐武德間歸義封越國公授歙州刺史持節都督六州諸軍事貞觀初罷都督後爲州天寶十三年移休寧於邑西十三里卽今治也皇朝宣政間改歙爲徽而萬歲山以語近指斥故更爲萬安焉王後歸朝薨長安歸葬於績溪之登源至祥符二年封靈惠公政和二年賜廟號忠顯七年進封英濟王宣和加顯靈故城以王所依憑道人吳智誠始斥大而新其祠經始於乾道壬辰鳩工於淳熙己亥智誠礱石請記刻之

宋程宜人胡氏墓誌

淳熙六年未見

周必大撰  
文載熙縣志  
在熙

誌畧云宜人胡氏故朝散大夫致仕程公晉之室  
今給事中叔達母也縣人給事少年登進士第  
入佐天府大夫宜人年皆七十餘居無何長子叔  
向次子叔達相繼死宜人始忽忽不樂頗苦微恙  
給事始亟求通州以便養未行擢登御史府進左  
司諫數請外上固留之宜人亦曰悉心報主所以  
慰我心也給事乃不敢言明年宜人竟不起實乾  
道元年八月壽七十有五後十四年而大夫卒宜  
人生三子給事其仲也初葬縣之長遙山後別卜  
地於北山亭古城培之原淳熙六年八月甲寅葬

焉給事爲少尹某備官於朝每云吾父滋老欲改  
葬吾母而未敢它日尙屬子銘予敬諾已而給事  
以直龍圖閣奉祀歸而大夫歿書求踐言其何可  
食

宋相公橋記

淳熙八年

吳儆撰

在歙縣

未見

文載歙縣志

在歙縣篁墩淳熙七年知府曹帮建吳儆記

徽州府志

記畧云淳熙七年秋九月尚書郎曹侯來守新安

歲大旱侯講求古今救災之政力行之又求其凡  
可以利人者謂橋梁不修昔人以爲刺史之過乃  
出其私帑屬富民梁其險塗有將仕郎程仔者嘗

下其穀之直以助侯救災之令爲二石橋於休寧歙邑之境相公湖之側旣成求記於某侯名耜字仲本故節使開府公之子橋之成以八年十月相公湖者陳忠壯公起家之地俚俗以名其湖以湖名橋爲侯祝也陳仔者忠壯公之裔

宋婺源縣建三賢祠記

淳熙八年源未見

朱子撰在婺源縣文載徽州府志

宋淳熙辛丑知縣周師清建祀周濂溪程明道伊川三先生文公朱子記

徽州府志

記畧云淳熙八年三月周侯作周程三先生祠於婺源而書來謂熹記之熹惟三先生之道則高矣

美矣而發非其鄉也非其寓也非其遊宦之邦而國之典未有秩也而祀之於禮何依於義何當則具以告且謝不敢後數月周侯又與邑處士李繪及學弟子數十人皆以書來曰惟三先生之學流傳及於天下而爲祠以致尊奉之意非敢以是間命祀亦曰肖其容使日夕瞻望而興起耳且吾邑得聞三先生之言者子之先君子有力焉今祠旣成矣願悉陳之庶其有發也熹發書愀然不敢復辭然熹之愚懼不足以言之雖然諸君獨不觀濂溪之圖與其書乎其大指不過講學致思以窮理



而勝其私以復焉其施則善始於家而達之天下  
其具則復古禮變今樂政以養民而刑以肅之也  
是乃所謂伊尹之志顏子之學而程氏傳之以覺  
斯人者而豈有外乎諸君日用之間哉遂書之以  
爲記以爲學者由是而用力焉則庶幾乎三先生  
之心不墜於地而吾先子之志賢大夫之意亦可  
以無負矣祠在講堂北壁下周先生南鄉坐二程  
先生東西鄉以侑焉周侯名師清玉山人

宋新安道院記

無年月

朱子撰  
文載徽州府志

在休寧

未見

在休寧縣治東宋令祝禹圭建朱子記

徽州府志

記畧云休寧大夫信安祝侯汝玉以書來曰邑有難治之名而吾爲之已再歲始不能不以爲慮中乃意其不然今則信其果不然也蓋其封域山峭厲而水激清故稟氣以生者不無過剛故難以力服而易以理勝以是吾始至不能無不說者而今則無以爲異吾常困其繁而今則無事之可爲也吾將更葺廳事之東以爲新安道院子爲記之則後之君子知所以爲治而無慮矣余惟汝玉之爲可以見其政成民服然道之得名以人所共由之路而非無事之謂也汝玉始至左簿書右法律苦

心勞力非有道以行之則何以致今日之無事哉  
余故邦人而汝玉又舊也樂其意爲書本末以示  
來者使此邦之俗賢宰之志尙有考云

宋建任公祠記

無年月

羅汝楫撰

在歙縣

佚

任公祠在府城南祀梁太守任昉歙人羅汝楫撰  
徽州府志

宋舒先生記

無年月

袁燮撰

在歙縣

未見

在府學西祀宋教授舒璘袁燮記

徽州府志

宋徽州修學記

淳熙十五年

羅頌撰

在歙縣

宣和中廟學焚於睦寇紹興十一年知州事汪藻

始復營建左廟右學中設知新堂闢八齋以處學者淳熙十五年丁未知州事許昌期重修羅郢州頌爲之記

徽州府志

校丁未爲淳熙十四年非十五年似有誤

趙紹祖識

宋休寧顏公山碑

無年月

羅頌撰

在休寧

佚

顏公山在縣南九十里上有湖廣五畝中多鯉魚昔有顏公隱此一旦乘風去歲旱禱輒應

新安志

按碑見程敏政新安文獻志而徽志顏公山但錄元邑人黃樞一詩然其結句云惟有雄文與世傳可見元時此碑尙存也

趙紹祖識

宋績溪縣學官書記

淳熙十五年  
佚

羅頌撰

在績

淳熙十五年知縣事葉楠買監本書經史子傳計  
二千七百餘卷實於學歛羅郢州頌爲作官書記

徽州府志

宋績溪縣新開塘記

慶元元年  
佚

葉適撰  
文載水心集

在績溪

記畧云王君木叔宰縣之始行視民田驗其水田  
之遠近塘場之有無曰凡不得水者當別開塘農  
不可曰安能壞見田又刻財與力創爲之也木叔  
曰是不足告語遂結縮得餘錢請與監司買民田  
使爲之塘所須撻椿木石皆買與之畢二年爲新

塘六十八場六然後績溪之田無不得水或曰非常道木叔委曲以就其民爾夫委曲以就其民而利之雖非常道斯謂之仁矣木叔名稱永嘉人慶元元年五月二十日

宋故華文閣直學士贈特進程公墓誌銘

慶元元年楊萬里撰

在黟縣

佚

文載黟縣志

誌畧云淳熙甲辰十月江西安撫使給事遺書曰江西詩祖於山谷先生派於陳徐諸賢謂之詩社而社中多遺詩某嘗搜得之今刻棗以傳而序引缺焉非君其誰宜爲萬里旣呈似公公不以爲不

可後八年被旨往上饒問囚公遣其子鉉見于逆旅蓋萬里相識而不相知者多矣未有不相識而相知者也公旣歿鉉以行實來謁銘萬里慟哭曰已矣世無此知我者矣銘笑忍辭公姓陳諱叔達字元誠黟人年二十三第進士中書連除興國軍光化軍教授又除湖州教授秩滿造朝以書抵時宰陳康伯請厲兵馬守淮漢遣間諜理財用陳大喜以爲足強人意歷遷監察御史乾道二年兩浙大饑公行視奏均賑上大喜以母憂去服除知池州改衢州尋改江西轉運副使易江東鄉部也邦

記畧云紹興中錫山先生陳公之茂來尉休寧遷學於南門之左今六十八年屋寢壞邑大夫毘陵張侯并修之不異新宮尉吳門吳候大淵克涖是役書三來託以紀事

朱徽州建朱子祠記

嘉定八年未見

黃榦撰文載徽州府志

在歙縣

朱子祠在儒學明倫堂右宋慶元六年公歿徽士卽州學繪而祀之其後郡守趙師端建祠今所勉齋黃榦記

徽州府志

記畧云太守趙師端改創於講堂之北師端與其兄弟皆從游於文公先生之門故其爲政知所先



務如此堂成於嘉定七年八月董其役者欵令張  
涇云二月朔門人宣教郎新發遣漢陽軍兼管內  
勸農營田事事黃榦謹記

宋龍圖閣學士汪公墓誌銘

嘉定十三年  
在黟縣  
佚  
葉適撰  
文載

水心集

誌畧云乾道七年四月十二日簽書樞密院事兼  
權參知政事汪公勃薨年八十四十月己酉葬會  
昌鄉蜀里北莊村嘉定十三年曾孫綱以銘請公  
字彥人黟人年十八首州薦紹興二年類省院饒  
州登第主嚴州建德簿池州建德丞十三年除太

記畧云紹興中錫山先生陳公之茂來尉休寧遷學於南門之左今六十八年屋寢壞邑大夫毘陵張侯抃修之不異新宮尉吳門吳侯大淵克蒞是役書三來託以紀事

朱徽州建朱子祠記

嘉定八年未見

黃榦撰文載徽州府志

在歙縣

朱子祠在儒學明倫堂右宋慶元六年公歿徽士卽州學繪而祀之其後郡守趙師端建祠今所勉

齋黃榦記

徽州府志

記畧云太守趙師端改創於講堂之北師端與其兄弟皆從游於文公先生之門故其爲政知所先

常簿高宗厭戎馬罷諸將兵而名士大夫皆以文  
兄讎未報兵未當罷上患之擇不與趙張同好惡  
者居紀綱地公自御史臺檢法爲監察御史擢諫  
議大夫遷御史中丞十八年遂以端明殿學士副  
樞密院事兼攝東府事自秦檜志得惡同列偪已  
公欲有所建白常沮塞不得間則歎息曰此豈伴  
食處哉卽告上退就田里以舊職食宮觀祿檜死  
起知湖州上終始念公超秩三等葉義問上章毀  
詆奪學士孝宗初又詔復龍圖閣而公已薨遂追  
復焉在饒州也張琪兵突黥縣母舒氏幾不免寇

退邑落士走十三四公奏名歸長幼各聚無一亡  
失鄉人驚異既貴封舒氏延康逮西府之養云

按不與趙張同好惡則必與秦檜同好惡矣當  
時求賢之意如此而文章公然筆之而不知非  
甚矣上下之相蒙也天下安得有真材出耶趙紹祖識

朱休寧先達續題名記

寶慶四年

程泌撰  
文載沼水集

在休

記畧云寶慶丁亥冬海寧令君以書來曰邑進士  
題名植石校官今五十年字溢矣將伐石嗣之而  
未有以叙其錄予謂題名之設勸戒並著皇上膺

圖受錄于今五年而來歲親策士士得吐所欲言  
非榮乎然姓名一登此石異日人將指之爲名臣  
是以道德聞功業顯名節著皆足以大吾鄉邦否  
則指其名曰是敗吾名教者是爲吾鄉邦累者則  
斯石也非石也夫子之木鐸也其亦令君宣代之  
意乎令君應氏名塾天台人

宋建世忠廟記

寶慶間

羅願撰

在歙縣

佚

在歙西南三十里篁墩祀陳程忠壯公靈洗公之  
故宅在焉宋寶慶中追封廣烈侯賜廟額曰世忠

羅願記

徽州府志

記畧云距州三十里有地曰篁墩者程忠壯公墓  
與宅在焉宅既滙爲湖又卽其墓傍爲壇而祀之  
有方氏者以爲古之祭用壇後世肖像以棲神設  
牀以安像故自郊社之外百辟卿士皆廟食矧神  
出三代後乃獨用古之壇無益於實乃以某年月  
爲屋若干楹方氏之進士曰必東因願所善張師  
顏請記

宋建世忠廟碑記

紹定元年程泌撰  
佚文載洛水集

在休寧

記畧云仰惟忠壯挺生梁朝今者蒙賜廟號世忠  
爰卜湖濱之勝聿嚴廟貌之新紹定戊子孟春裔

孫泌謹記

按徽州府志所載羅願文者廟建於歙者也此  
從洛水集錄出者廟建於休寧者也

趙紹祖識

宋徽州謝守生祠記

無年月 程泌撰  
佚 文載洛水集

在歙縣

記畧云休寧吳君紹成以歙之鄉貢進士許君森  
書來謂吾邦使君有善政有美功凡我同邑之人  
皆欲象事之願得一言以信今而傳後竊聞其先  
正相國之司江東常平也歲適大侵賑貸備至全  
活一百六十萬八千人宜其有子今又臨吾州哉

按所祀者郡守謝采伯爲相國謝源明之子源

明前曾任徽守故文云云 趙紹祖識

宋婺源朱塘晦菴祠堂記

無年月 許月卿撰 在婺源 未見

晦庵祠祀朱子宋滕鉦因草堂爲祠以其父璘叔

珙配享邑人許月卿記 徽州府志

按朱塘在婺源縣東朱子與門人滕璘遊見其

山水如昔夢中所見問其地對曰世業也朱子

曰故與子有神交者在因命作亭爲書草堂二

宇貽之故璘子鉦因以爲祠 趙紹祖識

宋黟縣建學記

端平初 程蔽撰 在黟縣 未見

端平初知縣事舒泳之重建三門置文公祠於門



內建明倫坊籍絕戶田二十畝於學以養士學正

程黻記 徽州府志

宋績溪縣重建朱文公祠記 端平元年 眞德秀撰  
在績溪縣 未見

績溪學直舍後春風亭舊爲朱文公祠後遷東廡

端平甲午知縣事李遇就舊基鼎新祠宇參政眞

德秀記 徽州府志

宋婺源縣改遷廟學記 端平元年 尤煇撰  
源 未見 在婺

嘉定壬午學燬於火知縣事朱復之改建於西湖

之上紹定辛卯又火端平甲午知縣事許應龍復

遷縣西舊址未成而去邑人縣尉胡熒創禮殿又

圖太學禮殿宣聖像塑之以嚴奉祀朝奉大夫尤

靖記

徽州府志

宋三瑞亭記

端平間

劉炳撰

在歙縣

佚

宋端平中郡守劉炳建自爲記

徽州府志

宋休寧縣修學記

嘉熙三年  
佚

方岳撰

在休寧

嘉熙三年己亥知縣吳遂修之端明殿學士程泌  
以已資更建正殿祁門方岳記

徽州府志

宋風泉雲壑記

無年月

方同撰

在歙縣

佚

在南門紫陽書院宋郡守韓補建元方同記

徽州府志

按韓補以淳祐五年任徽州至七年而趙與弼

代之則記當作於此二年時方回未入元也而

徽州府志書曰元方回記殆春秋之意云趙紹祖識

宋歙縣建學記淳祐十年 呂午撰 在歙縣 佚

縣附郭而不置學淳祐庚戌郡守謝堂始建於縣

治左買田二頃有奇邑人左史呂午記徽州府志

宋相儒堂記無年月 在歙縣 未見

在府治南門內古郡學大成殿東宋相程元鳳讀

書之所寶祐中知州事趙汝澤建堂以祀之後廢

碑刻移砌大成殿墻左徽州府志

宋十八進士題名鐘咸淳九年 在歙縣 未見

在儒學明倫堂城東隅李姓宋咸淳中應進士舉者十七人題名有成淳九年中元日字 徽州府志

宋環綠亭記

無年月

胡炳文撰

在婺源

佚

在婺源儒學山右宋汪子英建元胡文炳記

徽州府志

元立晉新安太守程公墓碑

無年月

方回撰

佚

太守名元譚墓在府城西歛程氏始祖

輿地廣記

元立晉新安太守程公墓碑

無年月

程逢午撰

按以上二碑皆見程敏政新安文獻志

趙紹祖識

元休寧縣修學記

至元二十八年

杜與可撰

在

至元辛卯邑人朱震雷重修行省檢校官杜與可

記 徽州府志

按虞道園後至元五年修學記云至元二十九年廉訪分司茂公關山謁廟邑士朱震雷請出私財重建記之者行省檢校官杜與可題其碑端者翰林學士涿郡盧公摯也其言較府志爲詳惟至元辛卯是二十八年而云二十九年者當是告成於二十九年而行文小誤耳

趙紹祖識

元時雨亭記

無年月

訥懷撰

在婺源

佚

在婺源二都石龜潭上元達魯花赤訥懷於潭禱雨有應因建亭自爲記

徽州府志

按徽州府志職官門訥懷於前至元中任

趙紹祖識

元孝善胡先生墓誌銘

元貞二年  
婺源佚

戴表元撰  
文載黟縣志  
在

誌畧云元貞乙未十月十七日婺源鄉先生胡公

卒門人子弟俞洪等一百十五人相與私謚爲孝

善先生公本出唐李氏五季之亂逃寄於考水之

胡因籍焉八世至國子司業伸與汪內翰藻齊名

自是四世有精易撰易傳史纂號易簡居士諱師

夔於公爲父公諱斗元字聲遠少從朱文公從孫

小翁受書說聞居士所授易學刻意探述日玩一

爻至七日則通六爻亦以此教其徒往往高捷鄉

國有司不足以知公至輒聞罷卒年七十有二諸  
子以丙申秋七月葬公於考水之高倉太守涿鹿  
翟侯大書曰孝善先生之墓其子炳文以狀來丐  
銘

元休寧縣葺齋舍并建文公祠記

大德五年 徐拱辰撰 在休寧佚

郡守布伯廉等勉諸生整葺齋舍朱震雷獨建文  
公祠教授徐拱辰記

徽州府志

元加封孔子制誥碑

大德十一年

在績溪

存

正書下層刻徽州路儒學指揮二道至大三年四  
月刻在績溪

寰宇訪碑錄

元新安洞真觀碑

至大二年

在祁門

未見

張仲壽撰并正書至大二年十月

寰宇訪碑錄

元黟縣修學記

至大四年 未見

李鳴鳳撰

在黟縣

至大辛亥縣尹黃甫泣構講堂門廡齋舍鑿池築

垣山長李鳴鳳記

徽州府志

元徽州路儒學旨揮

至大三年

在績溪

存

右徽州路儒學旨揮二道刻於加封孔子詔書之

下方其一云承奉江浙等處行尙書省劄付該准

尙書省咨至大二年十二月十九日太保三寶奴

丞相奏在先孔夫子漢兒帝王雖是封贈了不曾



起立碑石來如今各處行與文字封贈了於瞻學  
地土子粒內交立碑石呵今後學本事的人肯用  
心也者奏呵奉聖旨是有那般者欽此照得先據  
御史臺呈亦爲此事已經通行去訖咨請欽依施  
行云云按元史武宗紀大德十一年七月辛巳加  
封至聖文宣王爲大成至聖文宣王其立碑則紀  
所未載三寶奴元史無傳其拜太保年月紀亦失  
之三公表書於至大三年以此碑攷之則二年之  
冬已爲太保矣碑在績溪縣學加封詔書石刻所  
在多有而尙書省咨獨見於此

潛研堂金石文跋  
尾續

元徽州路李總管德政碑記

至大三年  
在黟縣

鮑元蒙撰  
未見文

載黟縣志

記畧云黟里二十戶八千地多曷鹵莫能樹以桑  
不繭不絲以故夏稅悉以折納爲常制至大己酉  
本邑之令驟更萬目睽睽喘息失措天惠吾微總  
管李侯聿來司牧哀我人斯奮然已折色爲己任  
曰吾安可責其所無以病吾民哉乃馳駟騎排省  
闥諤諤矢言與衆請命復仍舊貫郡民且歌且謠  
欲相率建道場爲侯謝余憮然曰豈一感恩道場  
而能加於千載之石哉乃拾輿人之誦而詠歌之

侯真定人名賢翼勵齋其號也至大三年仲冬邑人醫學教授鮑元蒙記黟縣尹兼勸農事皇泣書元婺源明經書院記

延祐三年 吳澄撰 在婺源  
存 文載吳文正公集

在考川元至大中里人胡淀爲其遠祖唐明經昌翼建爲屋二百間捐田三百畝從弟澄捐田五十畝充祭祀及師生廩餼知州黃惟中聘胡炳文掌教事爲請於朝賜額曰明經銓註山長一員國子司業吳澄記

徽州府志

記畧云新安胡氏之先唐末有以明經舉者十四世孫淀建塾於其讀書之所旣而病其湫隘與族

父炳文弟澄議改築西山之麓爲屋數百楹右大成殿左會講堂又其左齋廬四其前二塾曰明誠曰敬義山巔構亭據高望遠經始於至大庚戌落成於皇慶壬子畀以土田輸其歲入以養師弟子知州黃侯惟中聘炳文掌教事請於上而以明經書院名明經府君諱昌翼所居曰考川在婺源北三十里延祐丙辰三月甲子文林郎前國子司業臨川吳澄記

元重建忠孝坊記

延祐六年未見

陳櫟撰  
文載定于集

在歙縣

記畧云旌善以坊新安郡合城坊二十有六其關

君親大倫足以示勸者惟忠孝坊爲然坊始於前  
太守魏公克愚爲諫議盧公臣忠暨諫議六世孫  
郡學掌儀鏐建也諫議熙人政和間上舍及第高  
廟南渡以右正言扈蹕幸金陵寇逼御舟公輿叱  
之蒼黃踏兩舡溺而卒拱立江底上憫焉贈右諫  
議大夫葬熙之南岡端平間詔立祠賜號褒忠子  
孫蟬聯世其家掌儀則尤馳譽者母唐病危藥莫  
療剖股食母隨以安郡守嘉歎由掌儀之孝推諫  
議之忠標其居榜其坊魏公可謂知務矣坊燬於  
元貞元年九月逮皇慶元年十一月重建歙縣尹

張侯某身任之延祐六年八月陳櫟記

元婺源州建鄉賢祠記

泰定元年婺源

未見文載徽州府志

胡炳文撰

在

泰定甲子邑人李諭程鼎新獻議知州史光祖建鄉賢祠以祀二程朱子雲峰胡炳文撰

徽州府志

記畧云鄉賢祠祀二程夫子何也孔子之先宋人孟子魯公族河南實新安篁墩忠壯公後也紀新安人物而不書程子是譜宋之後而不書孔子系魯公族而不書孟子非闕典與

元傅巖處士汪公孺人吳氏墓誌銘

泰定四年

陳櫟撰

未見

文載定宇集

在黟縣

誌畧云黔人俗淳古所稱小桃源隱君子樂居之  
傅巖處士汪公之先世自宣之新建徙而家焉公  
諱元字元善篤學研經鄉先生亟稱之謂將摘髭  
一第而鼎命革矣壹是以古爲師鄉稱善人丙子  
軍變肆屠燎公所居鄉賴公安堵至大己酉四月  
無疾而逝年五十一妻吳氏綜理家務十有六年  
沒於泰定甲子三月年六十四卜吉分水之原合  
葬以乙丑二月襄事其子以行實諉陳某謹誌之  
按誌意汪公蓋宋末人入元隱居不仕故足銘  
也趙紹祖識

元東山精舍記

無年月  
縣學中

虞集撰

今刻石存休寧

在休寧縣西北十五里龍源趙汭從江西黃楚望

受春秋歸築精舍東山上虞集記之

徽州府志

元復闕里祭田記

無年月  
見

虞集撰

在婺源  
未

初韋齋仕閩時質田百畝友人張敦頤爲贖而歸之朱子歸婺源省墓以田授族人掌之備祭費族人竊售歛人鮑元康贖之復歸朱氏虞道園爲作

復田記

徽州府志

元歙縣橫山記

無年月  
文載徽州府志

鄭玉撰

在歙縣

未見

記畧云歙東南接杭之昌化自昱嶺關至郡城百



里而遠出入山谷間無跬步夷曠者宋岳武穆王  
提兵過境溪水大漲軍不可前王命大衆伐山開  
道由三嶺出遂爲康莊省其程之一二百年於茲  
矣獨葉村之下地曰橫山號最險處至元中討平  
西坑寨之亂里人洪聲甫爲路以通軍事出臨時  
不能經久其孫節夫與弟仲德季安鳩工伐山如  
砥如掌又築亭以休行者而祀武穆王於其中子  
懼王之遺蹟國史未載久將無聞乃併書之使節  
夫刻之道左

元建孝女二姑廟記

無年月  
未見

鄭玉撰

在歙縣

在郡城南二十五里二姑廟亦曰義姑嶺孝女廟者祀唐章氏二女也其地若橋若村若里皆以孝女得名歲久廟廢嶺仍故名元時洪節夫卽青山庵之前軒四楹肖像其中鄭玉記

徽州府志

按唐書劉贊傳贊爲歙州刺史野媼將爲虎噬幼女呼號搏虎俱免觀察使韓滉表贊治有異行加金紫而不詳女之姓據徽州府志章氏二孝女者章預之女偕母登山采桑徒手救母於虎口復終身奉母不嫁刺史劉贊蠲其戶稅改所居合陽鄉爲孝女鄉是可以補史之未備也

趙紹祖識

元婺源州重建講堂齋舍藏書閣記

後至元元年

在

婺源

未見

後至元乙亥知州干文傳重建講堂齋舍藏書閣

縣尹吳師道記

徽州府志

元績溪縣重修學記

後至元二年

周萬石撰

在

宋學至元丙子燬於兵學基爲軍營所據教諭胡

遂孫買民屋綿蕝以奉聖像後遷於縣西隅庚寅

復火於盜大德丙午縣尹張綱重建廟堂門廡齋

舍延祐戊午縣尹劉亨晉重建櫺星門甃講堂地

又鑿石以造泮橋至元丙子重修教諭周萬石記  
徽州府志

元黟縣學置田養士記

至正元年  
縣未見

胡默撰

在黟

至正辛巳縣尹陳正孫勸民助田養士胡默記

徽州

府志

元重建休寧縣學記

至正五年  
未見

虞集撰  
文載休寧縣志

在休寧

記畧云至正五年三月吳興唐子華爲邑令始至  
謁廟延邑之老人建康路判官致仕汪君巽元等  
升堂謀興其學畧計其材木工費皆曰此不過前  
數十年繕完之費耳行之有道用無旁落作之有

法工有成能則雖數百年可也分任而歡趨之起  
手於六月告成於十月可謂敏也已矣

元熙縣儒學新增田糧記

至正六年熙縣佚

胡默撰在  
文載熙縣志

記畧云熙在秦漢時爲大縣厥後分布地隸徽爲  
下邑其學校庾積米僅十三石染盛不給官師祿  
膳弗可言矣至正五年冬宣城陳侯眞孫來尹是  
縣首謁孔子廟訪咨徬徨謂其鄉人教諭李熊曰  
學校者教養之地有虞氏庠曰米廩孟子曰庠者  
養也夫豈無故乃會監縣等諸君明倫堂上致邑  
士曰古之於民聚而教之教而貢之微養不可也

田不井授士無恒產貧者安能務學富者施予二氏不恡孰若相學養士使其子弟講尊君親上之道鄉稱處士出爲名公卿豈非諸君子之樂哉聞者感激獻田明年春伐石馳書胡默請記其事侯字善甫教諭字舜臣

元橫岡重修汪王廟碑記

至正十年  
在黥縣佚

汪克寬撰  
文載黥縣志

記畧云黥縣橫岡故有汪王廟歲久隤圯至正四年二月邑人程儀鳳兄弟捐資改作十年四月儀鳳請予文勒諸麗牲之碑

元重建張許二將軍廟碑

至正十二年  
在歙縣存

程文煥  
文載歙縣志

碑畧云去歙西三十里曰潛口有張許二將軍廟至正十一年夏紅巾犯郡縣大肆焚掠祠燬明年賊平民復業復建祠故址以棲神述其事請記故書之因繫以樂神之事三章俾竝鐫諸石

按張睢陽廟江淮郡縣多有其稱曰東平王者則不知其所始歙建雙廟而稱曰張許二將軍

又一異也

趙紹祖識

元縣令周侯政績記

無年月  
存文

載縣志

在縣縣

記畧云國家既平羣盜所復州邑大師得承制具官時永嘉周侯君儒宰吾徽之縣縣卓然以廉能

著稱至正十三年三月侯始至官有使者至勸民入粟實軍儲侯言兵火之餘不宜科擾府帖下錄諸從事者家侯言詔書已釋罪錄其家非德意吏言官軍始至給民印號以明歸正民不至者當籍侯曰此或轉徙避寇或從軍效用何遽論爲盜又有命徵郡邑大家城郡治侯力言小縣疲傷後不堪重役皆得免又募民耕七都廢田假其種禁邑穀不得出境至六七月米斗值十餘千人始服其遠見所耕荒田大稔民賴以活者千餘家侯以發陰私不畏強禦爲怨家所傾然事本末吏牘具存



雖巧詆莫能文致直以非罪罪之而已

按記所載周侯政績甚多不能具錄姑掇其大者惟記言以非罪罪之竟不知何事檢縣名宦志亦無之但得其名爲周希濂而已記累數千言而事不詳又僅舉侯字而逸其名何也至徽州府志載侯名宦但取侯未仕前事成傳及至正十三年爲縣令後更不著一語其用意尤可異也

趙紹祖識

元鄭公鈞臺記

至正十六年

鄭玉撰

在歙縣

文載徽州府志

玉自記曰歙南山水最勝浙江出焉由浙源百餘

里至縣境曰富登渡予過吳虎臣數往來其處或  
坐或釣輒徘徊不能去人因名鄭公釣臺淮閩余  
公篆隸妙天下聞余之有是石也大書鄭公釣臺  
四字以寄至正十六年秋八月予以被詔辭還留  
虎臣所始取余公所書刻之臺前而記其所以得  
名之故鐫諸石里人鮑葉爲余結草堂其側

元小金山記

無年月

鄭玉撰

在歙縣

佚

按碑見程敏政新安文獻志而徽志載歙有紫  
金山黃金山大金山貴金山而不載小金山遂

未有以攷

趙紹祖識

元鄭令君廟碑

至正間  
文載歙縣志

程文煥

在歙縣

未見

碑畧云鄭令君廟者歙人祀其故令鄭君於廟也  
鄭君名安歙人以一言解屠城之師令歙三年民  
大治其歿也思之數十年不能忘於是共立香火  
於城西之憩棠庵久之以爲未稱崇禮之意卽庵  
旁立廟又以廟臨大道煩囂非神所居乃踰溪二  
里營高敞地近令君之墓更作新廟具石請於新  
安程文書其事刻廟中廟起於後至元某年遷於  
至正某年

按歙志鄭安字子寧宋亡之明年李世達叛亭

木魯敬駐兵昱嶺將屠城安叩軍門請曰亂者  
一人今已定民爭具牛酒以俟將軍何罪而欲  
屠之乃獲免以安爲歙令文中未詳其事附錄  
之又攷宋亡之明年乃前至元十七年歲在庚  
辰至後至元元年歲在乙亥蓋相去五十五年  
而廟始建也

趙紹祖識

元祁門縣中山書堂記

無年月  
未見

唐元撰  
在祁門  
文載徽州府志

在桃墅元里人汪應嘗構書堂號中山處士其子

克寬以爲講肄所歙唐元記

徽州府志

元歙州教授邵文肇墓碑

無年月  
縣未見

虞集撰  
在歙

墓在班政門外元學士虞集爲題寓賢碑

徽州府志

元雙清道院記

無年月

汪克寬撰

在休寧

佚

在休寧縣南楓林園有汪克寬記今廢

徽州府志

元重建明經橋記

無年月未見

胡次焱撰

在婺源

在婺源考川本唐胡昌翼建元胡安國重建胡次

焱記

徽州府志

元紫陽書院記

無年月

陳浩撰

在徽州

未見

元陳浩紫陽書院記在徽州府學

天下金石志

按徽州紫陽書院有二而志皆不載有陳浩記

不知天下金石志何所據

趙紹祖識

元婺源三格鎮汪端公祠堂記

無年月  
在婺源

汪澤民撰

祀唐銀青光祿大夫檢校太子賓客上柱國汪漬  
徽州府志引新安文獻志